

Acuerdo cu duracion di 5 aña firma entre aeropuerto cu Schiphol Group



Diabierna Minister Otmar Oduber y Presidente y CEO di Schiphol Group Jos Nijhuis a firma e extension di e acuerdo cu 5 aña mas pa loke ta manejo di nos aeropuerto.

Minister Oduber splicando

e motibo pa cual a scoge pa un periodo di 5 aña a bisa cu tin diferente cambio den e contrato. E cooperacion di Schiphol, manera ya caba a wordo poni den un contrato anterior, a cambia, a inclui e ayudo y sosten pa train nos mesun hendenan y prepara

nos mesun hendenan. Deseo ta keda pa den futuro nos por tin un yiu di tera como director di aeropuerto. Parti di e contract awor ta cu esey tin cu tuma luga, pero e mester tuma e tempo pa por sigura e exito cu nos aero-



puerto a conoce te awor aki.

Minister tambe a duna di conoce cu prome cu a firma



e extension di e contracto dilanti prensa, nan a reuni riba e diferente inversionnan cu mester tuma luga

den e proximo 5 pa 8 aña y cu ta rond di 300 miyon. Mirando e tempo corto pa cu esaki, ta cambianan drastico tin cu tuma luga y kier e experiencia y conocimiento cu Schiphol tin y di loke nan a biba cu nos na Aruba.

Aki e mandatario a bisa cu teniendo James Fazio como director mirando su conocimiento y experticio na JFK na New York y teniendo na cuenta cu Merca ta nos mercado principal, e ta duna nos un bentaha adicional pa loke ta servicio mirando cu nos a pasa di un aeropuerto comercial na uno mas servicial. □